

tellecta nolimus absq; limitatione. Quod enim Lipsius o) de fraudibus in genere asserit. *Quasdam haud longe à virtute abire, malitiæ rore leviter asperso: Quasdam ab eadem virtute flectere longius, & ad vitij confinia venire: Quasdam deniq; non à virtute solum sed legibus etiam recedere, malitiæ iam robuste ac perfectæ; Id quoq; de stratagematibus affirmare non dubitamus, & ut primum genus suadendum, alterum tolerandum, ita ultimum damnandum & execrandum putamus.* Et hinc tamdiu jure gentium consonas vocamus istas artes, quamdiu hostis non de dolo adversarij & rupta fide, sed de sua imprudentia & credulitate conqueri debet. p) Absit igitur perjurii crimen, quo Lysander contra Thasios q) Mediolanenses contra Fridericum Barbarossam utebantur, dicentes, *se juravisse quidem, sed juramentum servaturos non promississe* r) digni quos everteret elusus Imperator! s) Absit pacis sanctissimè factæ repentina & malitiosa ruptio, cujus pœnam summo cum Christiani nominis dedecore à Murathe II. Vladislaus V. Poloniae Rex clade apud Varnam accepta insigniter luebat. t) Absit gladius quæ Bessus stringebat adversus Darium: u) Venenum quod ministri Stephani Regis ab Hunnis corrupti in Domini necem parabant: w) Valeat simulata amicitia quæ Mithridates Datamem oppresfit: x) Exulet profuse exulceratissima Adgandestri ineqvitiæ, qui à Romanis venenum petebat, quo tolleret Arminium y) Deleatur infamis victoria Aquilii z) qui contra fas Deum, moresq; majorum medicaminibus impuris in id tempus sacrosancta Romana arma violaverat. In Asia enim fontibus miscuerat venenum.

a) Gruter. not. pol. ad Liv h. l. b) Justin. lib. 11. cap. 11. c) Ammian. Marcell. lib. 17. cap. 10. d) Curtius lib. 4. cap. 80. e) Polyb. lib. 13. cap. 1. f) Cæsar. lib. 1. Gall. cap. 13. g) Thucyd. lib. 5. cap. 2. n. 5. h) Lipsius Civ. Doctr. lib. 5. cap. 17. n. 11. i) Bernegg. Qvæst. Misc. qv. 200. k) Forstn. ad 4. Ann. p. 388. l) Polyb. lib. 9. m) Josuæ 8. n) Qvæst. super Jos. qv. 10. tom. 4 fol. 288. o) Doctr. Civil. lib. 4. cap. 14. p) Forst. 4. Ann. p. 387. q) Polyæn. 1. strateg. r) Lehmann. Chron. Spir. lib. 5. cap. 57. s) Jov. in Frid. lib. 2. elog. t) Cuspinian in Amurath. II. Ortel. Chron. Ung. ad ann. 1444. u) Justin. lib. 12. vv) Joh. Cinnam. de reb. gest. Joh. & Man. Comn. lib. 4. p. 260. x) Cron. Nep. Datam. fin. y) Tacit. Annal. lib. 2. cap. 88. Lentul. Aul. Tiber. ad h. l. z) Flor. lib. 2. cap. 20.

Dolus exerc-  
cebatur  
1. dissimulando  
cap. 9.

XXI. Probentur contra & commendentur à Romulo ne-  
xæ atq; excogitatae infidiæ! illæ autem consistebant in actu vel  
negativo vel positivo. a) Negativus est, cum negatur id, quod tamen  
occultè